



ATASSUT INATSISARTUNI

ATASSUT

UKA 2013/90-1

Gerhardt Petersen

09.10.13

Aatsitassarsiorfinni atorneqartussani dieseli ikummatigalugu nukissiuutini atortulersuutit NO_x-inik taaguutillit millisaatit atorneqartalernissaat siunertaralugu Naalakkersuisut UPA 14-imut inatsisissatut siunnersuummik saqqummeeqqullugit Inatsisartut aalajangiiffigisassaattut siunnersuut.

(Inatsisartunut ilaasorta, Sara Olsvig, Inuit Ataqatigiit)

Inuit Ataqatigiit sinnerlugit Inatsisartuni ilaasortap Sara Olsvig-ip matumani siunnersuutigaa aatsitassarsiorfinni atorneqartussani diesel atorlugu nukissiuutini atuisuni atortulersuutit NO_x-mik taaguutillit millisaatit atorneqarnissaannik inatsisitigut piumasaqaateqartoqassasoq.

ATASSUT-mit pingaartilluinnarparput aatsitassarsiortoqarneranut aammalu uuliasiortoqarnissaanut atatillugu avatangiisit pinngortitalu mingutsinneqarnissaat minnerpaatinneqartariaqartoq, taamaamat ATASSUT-mit siunnersuuteqartoq qutsavigissavarput nukissiuutit ataavartut atorneqassanngippata nukissiornermut atatillugu aniatitat aamma eqqumaffigalugit piumasaqaatit annertunissaannik matumani ujartuimmat.

Taamatuttaaq iluarisimaarparput mingutsaaliuiniarnissaq siunertaralugu Naalakkersuisut upalungaarsimanermik pingaartitsillutik suliniutini ingerlatsinermi sumut killittoqarnerseqqissaatigimmassuk.

Piumasaqaataasut inatsisitigut qanoq ilusiligaassanersut pillugit ATASSUT-mit nikuiinnarluta nalileruminaatsipparput, naallu massa Naalakkersuisut suliniutini aallartitseeraluartut ataatsimut isiginnilluni silaannaap avatangiisillu illersorneqarnissaat annerpaaq anguniarlugu iliuserineqartut nalilerneqarsinnaaqqullugit inassutigissavarput siunnersuut Inatsisartut Avatangiisinut Ataatsimiititaliaannut misissugassanngortinneqassasoq.